

艺文志

君子之为人内而惟求道德之实有诸己而与孔颜并外而惟求经济之足以安天下而与伊吕参若仅计工拙于文字间欲执是以名一世亦未也不知文以载道士君子生当晚近而能本昔圣贤之学问以内淑诸己外淑诸人岂恃有他哉亦赖有经籍之存焉耳下而一诗一文非有至情至理寓乎其中亦不足以传后韩柳欧苏之文李杜元白之诗皆有足以维持世道人心者在也若是艺文又可置之弗论乎吾族自甘棠公补县学生于明初后逮清季而予始博一衿不惟著书立说无其人即诗文之细而求其有一可传者亦如麟角凤毛不可多得盖若是之微也班固作艺文志本诸刘歆之述七畧删其要以备篇籍刘歆承父之业盖向尝哀帝时承汉家累世右文之后朝廷外有太常太史博士之藏内有延阁广内秘室之府诸子百家之书汗牛充栋乃得条其篇目撮其指意录而奏之下此即一省一邑恐不足搜求而一族何论乎苟世家望族文学代兴家有藏书人多遗稿纲罗散佚或可以成编吾族之陋奚足以语此然吾亲吴南屏梓湖文集神韵逸趣见赏于当世名公巨卿而先世之在巴邑者不

闻以艺文显曾涤笙勋业震中外文章亦巨制鸿篇卓然为韩欧之流亚而台州墓表称吾曾氏由衡阳至湘阴五六百载曾无一人与科目秀才之列是眇乎野老农家一跃而门成邹鲁著作等身为海内所宗仰盖自古已然也予于谱而志艺文亦射者之嗃矢深望来哲以斯文自任穷经研史咀英嚼华作为文章其书满家有以饰前之陋詎不懿欤作艺文志第九

清乾隆丙寅墨牒 名佚

清嘉庆甲戌谱 愿庆等撰

清咸丰戊午谱 有先等撰

清光绪辛卯谱 宗宪等撰

湘阴两寨黄氏世谱 民国壬申觉非等撰

思过轩诗草 觉非撰